

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**  
**- Komisija za statutarna**  
**pitanja i propise -**  
**Broj: 01-107/12**  
**Vareš, 23.05. 2012. godine**



Na osnovu člana 19. Odluke o općinskim priznanjima i postupku njihove dodjele, br. 01-77/12 od 29.03. 2012. godine, a u vezi sa članom 33. stav 1. Poslovnika o radu Općinskog vijeća Vareš – Prečišćeni tekst, br. 01-109/09 od 29.04. 2009. godine i br. 01-16/12 od 30.01. 2012. godine, Komisija za statutarna pitanja i propise, na 31. sjednici održanoj dana 23.05. 2012. godine, d o n o s i

## **O D L U K U**

### **o izgledu, obliku i tekstu općinskih priznanja Općine Vareš**

#### **Član 1.**

Ovom odlukom utvrđuju se izgled, oblik i tekst općinskih priznanja Općine Vareš, i to:

- Plakete s grbom Općine Vareš,
- Plakete Općine Vareš za životno djelo,
- Povelje o proglašenju počasnim građaninom/građankom općine Vareš,
- Zahvalnice Općine Vareš.

#### **Član 2.**

Plaketa s grbom Općine Vareš ima oblik kutije dimenzija 12 x 16 cm, debljine 3,5 cm.

Kutija je presvučena tamno plavom imitacijom kože. Na prednjoj vidnoj plohi kutije sitotiskom je zlatnim slovima ispisan sljedeći tekst:

Bosna i Hercegovina  
Federacija Bosne i Hercegovine  
Zeničko-dobojski kanton  
**OPĆINA VAREŠ**  
**OPĆINSKO VIJEĆE**

Unutrašnja strana poklopca kutije presvučena je bijelom svilom, a tekst je ispisan tamno plavim sitotiskom.

Pri vrhu unutrašnje strane poklopca ispisano je: Općinsko priznanje u povodu Dana općine Vareš.

Ispod toga je ispisan prigodan tekst kao obrazloženje za dobivanje ovog najvišeg općinskog priznanja, uz navođenje razloga (član 5. Odluke o općinskim priznanjima i postupku njihove dodjele) zbog kojih se ovo priznanje dodjeljuje.

Oko sredine unutrašnje strane poklopca krupnijim stiliziranim slovima ispisano je:

Plaketa s grbom Općine Vareš.

Pri dnu unutrašnje strane poklopca ispisan je datum donošenja odluke o dodjeli ovog priznanja.

Ležište kutije presvučeno je tamno plavim plišem na koji je nalijepljen mesingani odljevak grba Općine Vareš dimenzija 7 x 9 cm, debljine 4 mm.

Ispod grba nalijepljena je metalna pločica dimenzija 9 x 2,3 cm na koju je ugravirano ime i prezime, odnosno naziv pravnog lica – dobitnika ovog priznanja.

### **Član 3.**

Plaketa Općine Vareš za životno ima oblik preklopljenog etuia veličine A4 s tvrdim koricama izrađenim od tamno plavog knjigovezačkog platna.

Na prednjoj vidnoj plohi korica sitotehnikom je zlatnom bojom otisnut grb Općine Vareš dimenzija 4,3 x 5,6 cm, ispod kojeg je zlatnim slovima ispisano: Općina Vareš.

Unutrašnji dvolist izrađen je od kartona "Sirio 250 grama", uz lasersku štampu.

Na lijevoj strani unutrašnjeg dvolista otisnut je grb Općine Vareš u originalnim bojama, ispod kojeg je ispisano: Općina Vareš.

Na desnoj strani unutrašnjeg dvolista ispisan je sljedeći tekst:

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE

Ispod toga je ispisan prigodan tekst kao obrazloženje za dobivanje ovog priznanja, uz oznaku područja (član 6. Odluke o općinskim priznanjima i postupku njihove dodjele) za koje se ovo priznanje dodjeljuje.

Na sredini desne strane dvolista zlatnim stiliziranim slovima ispisano je: Plaketa Općine Vareš za životno djelo.

Ispod je crvenim slovima ispisano ime i prezime/imena i prezimena dobitnika ovog priznanja.

Pri dnu desne strane dvolista u lijevom uglu je datum donošenja odluke o dodjeli ovog priznanja, u desnom uglu je ime i prezime te potpis predsjedavajućeg Općinskog vijeća Vareš, a između je pečat Općinskog vijeća Vareš.

Unutrašnji dvolist je obrubljen stiliziranim ornamentom zlatne boje i vrpcom po sredini prislomljen uz korice.

### **Član 4.**

Povelja o proglašenju počasnim građaninom/građankom općine Vareš ima oblik preklopljenog etuia veličine B4 /ISO/ s tvrdim koricama izrađenim od tamno plavog knjigovezačkog platna.

Na prednjoj vidnoj plohi korica sitotehnikom je zlatnom bojom otisnut grb Općine Vareš dimenzija 4,3 x 5,6 cm, ispod kojeg je zlatnim slovima ispisano: Općina Vareš.

Unutrašnji dvolist izrađen je od kartona "Sirio 250 grama", uz lasersku štampu.

Na lijevoj strani unutrašnjeg dvolista otisnut je grb Općine Vareš u originalnim bojama, ispod kojeg je ispisano: Općina Vareš.

Na desnoj strani unutrašnjeg dvolista ispisan je sljedeći tekst:

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE

Ispod toga je ispisan prigodan tekst, uz navođenje razloga (član 7. Odluke o općinskim priznanjima i postupku njihove dodjele) zbog kojih se ovo priznanje dodjeljuje.

Na sredini desne strane dvolista zlatnim stiliziranim slovima ispisano je: Povelja o proglašenju počasnim građaninom/građankom općine Vareš.

Ispod je crvenim slovima ispisano ime i prezime dobitnika ovog priznanja.

Pri dnu desne strane dvolista u lijevom uglu je datum donošenja odluke o dodjeli ovog priznanja, u desnom uglu je ime i prezime te potpis predsjedavajućeg Općinskog vijeća Vareš, a između je pečat Općinskog vijeća Vareš.

Unutrašnji dvolist je obrubljen stiliziranim ornamentom zlatne boje i vrpcom po sredini prislonjen uz korice.

#### **Član 5.**

Zahvalnica Općine Vareš ima oblik preklopljenog etuia veličine A4 s tvrdim koricama izrađenim od tamno plavog knjigovezačkog platna.

Na prednjoj vidnoj plohi korica sitotehnikom je zlatnom bojom otisnut grb Općine Vareš dimenzija 4,3 x 5,6 cm, ispod kojeg je zlatnim slovima ispisano: Općina Vareš.

Unutrašnji dvolist izrađen je od kartona "Sirio 250 grama", uz lasersku štampu.

Na lijevoj strani unutrašnjeg dvolista otisnut je grb Općine Vareš u originalnim bojama, ispod kojeg je ispisano: Općina Vareš.

Na desnoj strani unutrašnjeg dvolista ispisan je sljedeći tekst:

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKI NAČELNIK

Ispod toga je ispisan prigodan tekst, uz navođenje razloga (član 9. Odluke o općinskim priznanjima i postupku njihove dodjele) zbog kojih se ovo priznanje dodjeljuje.

Na sredini desne strane dvolista zlatnim stiliziranim slovima ispisano je: Zahvalnica Općine Vareš.

Ispod je crvenim slovima ispisano ime i prezime, odnosno naziv pravnog lica – dobitnika ovog priznanja.

Pri dnu desne strane dvolista u lijevom uglu je datum dodjele ovog priznanja, u desnom uglu je ime i prezime te potpis Općinskog načelnika, a između je pečat Općinskog načelnika.

Unutrašnji dvolist je obrubljen stiliziranim ornamentom zlatne boje i vrpcom po sredini prislonjen uz korice.

#### **Član 6.**

Izmjene i dopune ove odluke vrše se na način i po postupku predviđenom za njeno donošenje.

#### **Član 7.**

Sastavni dio ove odluke čine ogledni primjerci općinskih priznanja iz člana 1. ove odluke.

#### **Član 8.**

Ova odluka stupa na snagu danom donošenja, a objavit će se na općinskoj oglasnoj tabli.

**PREDSJEDNIK KOMISIJE**

**Ismet Abdulahović**

